

“O’zkommuno’quvtashkilotchi”

**Республика ўқув-услугий,
норматив-инжиниринг марказининг**

У с т а в и

(янги тахрири)

Тошкент 2011

УМУМИЙ ҚОИДАЛАР

1. Мазкур Устав Ўзбекистон Республикаси Президентининг 2006 йил 17 август “Ўзбекистон “Ўзкоммунхизмат” агентлиги фаолиятини такомиллаштириш ва коммунал хужалик корхоналарини молиявий соғломлаштириш чора-тадбирлари тўғрисида”ги ПК-445-сонли қарори, Ўзбекистон Республикаси Вазирлар Маҳкамасининг 2006 йил 16 октябр “Устав фондида давлат улуши бўлган корхоналарнинг самарали бошқарилишини ва давлат мулкнинг зарур даражада ҳисобга олинишини таъминлаш чора-тадбирлари тўғрисида”ги 215-сонли қарори ва бошқа меъсрий-ҳуқуқий ҳужжатлар асосида ишлаб чиқилган бўлиб, “Ўзкоммунуқувташкilotчи” Республика уқув-услугий, норматив-инжиниринг маркази (кейинги уринларда Марказ деб юритилади)нинг ҳуқуқий мавқеини, унинг тузилиш мақсади ва фаолиятини, Ўзбекистон “Ўзкоммунхизмат” агентлиги (кейинги уринларда Таъсисчи) нинг ҳуқуқ ва мажбуриятларини, Марказ ва Таъсисчи орасидаги мулкчилик муносабатларни белгилайди.

Марказнинг мазкур Уставини ишлаб чиқишда Ўзбекистон Республикаси Президентининг 2010 йил 12 январ “Давлат ва хужалик бошқарув органлари тузилмасини янада такомиллаштириш ва бошқарув ходимлари сонини мақбуллаштириш чора-тадбирлари тўғрисида”ги ПК-1260-сонли қарори ва Ўзбекистон “Ўзкоммунхизмат” агентлигининг 2009 йил 27 октябр 60-сонли, 2010 йил 15 январ 2-сонли буйруқларининг талаб ва йуриқномалари инобатга олинган.

Сув таъминоти ва канализация объектларини қуриш бўйича инвестицион жараёнда фаол иштирок этиш Марказнинг асосий фаолиятдан бири ҳисобланиб, у бу ҳақда Таъсисчи - Ўзбекистон “Ўзкоммунхизмат” агентлигига мунтазам равишда ҳисобот бериб боради.

2. Марказ асосий мулкга эгаллик қилади, узининг мустақил балансига, банк ҳисоб рақамига, шунингдек валютада ҳам, раҳми, штампни ҳамда бланки, Ўзбекистон Республикаси Давлат герби туширилган ва Давлат тилида номи битилган муҳрга эга.

Марказ уз номидан қонунчиликда белгиланган тартибда мулкий ва шахсий номулкий ҳуқуқларни узлаштириши ва амалга ошириши, судда даъвогар ва жавобгар бўлиши мумкин.

3. Марказ Таъсисчининг розилиги билан қонунчиликка мос равишда юридик шахсларнинг иштироки руҳсат этилган тижорат ва нотижорат ташкилотларига аъзо бўлиши ёки уларда иштирок этиши мумкин.

Марказ бошқа давлат корхоналарига Таъсисчи бўлиш ҳуқуқига эга эмас.

4. Ўзбекистон Республикаси Вазирлар Маҳкамасининг қарори билан ташкил этилган Марказ лицензия берувчи органлар ҳулосасига мос равишдаги лицензион келишув асосида лицензия олмасдан лицензияланадиган фаолият турини амалга оширади.

5. Марказнинг тулик расмий номи:

Ўзбек тилида – “Ўзбекистон” “Ўзкоммунизма” агентлиги “Ўзкоммунокувташкilotчи” Республика укув-услугий, норматив-инжиниринг маркази “O’zkommuno’quvtashkilotchi”;

Рус тилида – «Республиканский учебно-методический, нормативно-инжиниринговый Центр “O’zkommuno’quvtashkilotchi” Узбекского агентства «Ўзкоммунизма»;

Инглиз тилида – “Uzbek Agency “Uzkommunxizmat”, Republican Trading Metodological Normative Engineering Center “O’zkommuno’quvtashkilotchi”.

6. Марказнинг юридик манзили: Тошкент шаҳри 100035, Юнусобод тумани, Ниёзбек йули кучаси 1 уй.

II. МАРКАЗ ТАЪСИС ЭТИЛИШИНING УЗИГА ХОС ХУСУСИЯТЛАРИ

7. Ўзбекистон Республикаси Хукумати ва Ўзбекистон “Ўзкоммунизма” агентлиги қарорлари Марказни таъсис этилиши учун асосдир.

8. Марказ чекланмаган фаолият муддати билан ташкил қилинади.

9. Таъсисчи томонидан тасдиқланган ва қонунчиликда белгиланган тартибда тегишли давлат органларида руйхатдан утган Устав Марказнинг таъсис ҳужжати ҳисобланади.

10. Марказнинг мазкур Уставига Таъсисчининг қарорига асосан узгартиришлар киритилади ва белгиланган тартибда давлат руйхатидан утказилади.

III. ТАЪСИСЧИНING ХУКУК ВА МАЖБУРИЯТЛАРИ

11. Таъсисчи қонунчиликда белгиланган тартибда:

Марказнинг фаолият тури ва мақсадини белгилаш;

Марказ Уставига узгартиришлар ва қушимчалар киритиш;

меҳнат қонунчилигида белгиланган тартибда Марказ директори билан шартномани муддатидан олдин тугатиш;

Марказни қайта тузиш ёки тугатиш тугрисида қарор қабул қилиш, тугатиш комиссиясини тайинлаш ва тугатиш балансларни тасдиқлаш;

Марказдан фойдаланилмаётган ёки мақсадсиз фойдаланилаётган мулкни олиб қуйиш ва унга эгаллик қилиш;

зарурат бўлганда Марказни хусусийлаштириш ёки давлат мулкидан чиқариш юзасидан Вазирлар Маҳкамасига таклиф киритиш;

Марказ директорига Марказга етказилган зарарни қоплаш буйича даъво тақдим этиш;

мазкур Уставга мос равишда Марказ тасарруфига берилган мулкдан фойдаланиб топилган даромаднинг бир қисmini ёки ҳаммасини олиш;

Марказнинг устав фондиди кўпайтириш ва камайитириш тартиблари, зарарларни қоплаш, йиллик ҳисоботларни тузиш, текшириш ва тасдиқлаш тартибини белгилаш ҳуқуқига эга.

12. Таъсисчининг мажбуриятлари:

Марказ директорини тайинлаш ва у билан меҳнат қонунчилигига асосан меҳнат шартномасини тузиш;

ҳар йили Марказ бизнес режасини тасдиқлаш, ҳар чорақда унинг бажарилиши ҳақида директор ҳисоботини тинглаш;

мазкур Уставнинг 18 бандига асосан Марказ мулкни тасарруф қилишига руҳсат бериш туғрисидаги қарорини Давлат мулк қўмитаси ёки унинг ҳудудий бошқармаси билан келишиш;

Марказ тасарруфига берилган давлат мулкдан мақсадли фойдаланиши ва сақланиши устидан назоратни олиб бориш.

IV. МАРКАЗНИНГ АСОСИЙ МАҚСАДИ ВА ВАЗИФАЛАРИ

13. Марказнинг асосий вазифалари қуйидагилар:

мулкчилик шаклидан қатъий назар, Ўзбекистон Республикаси коммунал ва бошқа хужалик тармоқлари корхона ва ташкилотларининг кадрлар тайёрлаш, норматив – ҳуқуқий ҳужжатлар ишлаб чиқиш, мустақил экспертизалар утказиш ҳамда фан-техника соҳасидаги янги ютуқларни жорий қилиш масалалари борасидаги талабларини қондириш, уй – жойлар, бино ва иншоотларни капитал қуриш ва жорий таъмирлаш, хусусий уй – жой мулкдорлари ширкатларига ҳамда уй – жойларни бошқарувчи компанияларга хизмат кўрсатиш;

туруп жой фондидан фойдаланиш ва сақлаш, коммунал аҳамиятдаги сув таъминоти ва канализация объектларини лойиҳалаштириш, қуриш ва улардан фойдаланиш масалалари бўйича норматив – ҳуқуқий ҳужжатларни ишлаб чиқариш;

коммунал хизмат кўрсатиш соҳасида Ўзбекистон Республикаси Қонуни, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари, шунингдек бошқа норматив–ҳуқуқий ҳужжатларнинг бажарилиши юзасидан мониторингини олиб бориш;

коммунал хизмат кўрсатиш тармогининг барча турдаги фаолияти бўйича маркетинг тадқиқотларини утказиш ва тармоқ корхоналарига кўрсатиладиган хизматлар сифатини ошириш ва ишлаб чиқариш жараёнини такомиллаштириш бўйича консалтинг хизматларини кўрсатиш;

уй – жой коммунал хужалиги тизими корхона ва ташкилотларининг талабини қондириш мақсадида республика уй – жой коммунал хужалигида энг янги фан техника ва технологик ютуқларни ишлаб чиқиш ва жорий этиш;

тармоқда иқтисодий ислоҳотларни чуқурлаштириш шароитида коммунал хизмат кўрсатиш соҳасидаги ишчиларнинг малакаларини ошириш ва кадрларни тайёрлаш тизимини такомиллаштириш;

давлат интерактив хизматларини кўрсатиш мақсадида ахборот ресурсларини ташкил этиш (Ўзбекистон Республикаси Вазирлар Маҳкамасининг 2007 йил 23 август 118-сонли қарори ижроси юзасидан);

газеталар, журналлар, ахборот бюллетенлари, ҳуқуқий ҳужжат тўпламлари ва ҳоказоларни нашр этиш фаолиятида иштирок этиш ҳисобланади.

14. Марказ узига юклатилган вазифаларини бажариш учун қуйидаги функцияларни амалга оширади:

турар жой – коммунал тармоқни иқтисодий ислоҳ қилиш масаларини регламент қилувчи қонунчилик ва норматив – ҳуқуқий ҳужжат лойиҳаларини белгиланган тартибда ишлаб чиқади ва тасдиқлашга киритади;

турар жой – коммунал соҳа тизимидаги инжиниринг тармоқлари ва бошқа корхоналарга коммунал хизмат кўрсатиш соҳасида рақобат муҳитини яратишга қумаклашади;

коммунал хизмат кўрсатиш соҳасидаги қонунчилик ва техник талабларнинг маҳаллий давлат бошқарув органлари, ҳужалик юритувчи субъектлари ва фуқаролар томонидан бажариллиши юзасидан мониторинг олиб боришда иштирок этади;

минтақалараро сув қувурларини ривожлантириш тенденциясини умумлаштириш ва урганишда, бу соҳада ягона техник сиёсатни шакллантириш ва олиб боришда иштирок этади;

илғор технологияларни ишлаб чиқиш ва тадбиқ этиш, сув таъминоти ва канализация объектларини қуриш, коммунал соҳа учун машина ва механизмлар, ускуналар, жиҳозларни ишлаб чиқаришни ташкиллаштиришда иштирок этади;

коммунал соҳада қулланиладиган зарур жиҳозлар, ускуналар ва маҳсулотларнинг чизмаларини тайёрлайди;

тармоқ эҳтиёжлари учун телемеханика ва автоматика тизимлари, тажриба намуналарини ишлаб чиқиш ҳамда тайёрлаш, ускуна, асбоб ва буюмларни майда туркумлаб ишлаб чиқариш, турар жой коммунал хизмат кўрсатиш соҳасига оид дастур маҳсулотини таркатади;

коммунал ҳужалик масалалари ва машиналар, приборлар, жиҳозлар ишлаб чиқариш буйинча чет эл мамлакатлари ва халқаро ташкилотлар билан илмий-техникавий ва иқтисодий ҳамкорликни амалга ошириш ва маҳаллий корхоналарга чет эл корхоналари ва халқаро ташкилотлар билан туғридан-туғри алоқа қилишга қумаклашишда иштирок этади;

тармоқ корхоналарига атроф муҳитни муҳофаза қилиш чора тадбирларини амалга оширишда, шу жумладан махсус фойдаланиш, чекли жорий концентрация (ЧЖК) ва чекли жорий чиқариб ташлаш (ЧЖЧТ) учун рухсатномалар ишлаб чиқишда қумаклашади;

турар жой – коммунал хизматлар истеъмол нормалари ва тариф сиёсатини ишлаб чиқиш ва такомиллаштириш бўйича услубий ишларни амалга оширишда қатнашади;

тармоқ корхона ва ташкилотларининг илғор тажрибаларини ва маълумотнома – ахборот хизматини кенг ёйишда фаол иштирок этади;

коммунал хизмат кўрсатиш соҳаси ва минтакалараро сув қувурларни объектлари бўйича илмий-тадқиқот ва лойиҳа-излаш ишларини амалга ошириш стратегияси ва бажарилишини таъминлашни шакллантиришда иштирок этади;

турар жой – коммунал хизмат кўрсатиш соҳаси учун кадрлар малакасини ошириш, мутахассисларни тайёрлаш ва қайта тайёрлашни ташкиллаштиради;

коммунал хужалик объектларидаги мавжуд аҳволни таҳлил қилиш, улар ишининг унумдорлигини ошириш юзасидан тавсиялар ишлаб чиқиш ҳамда тадбиқ этиш, иктисодий таҳлил қилиш ҳамда барқарор ва фойда кўриб ишлаш юзасидан тавсиялар ишлаб чиқади;

уқиштиш жараёнини таълимнинг илғор шаклларида ташкил қилиш, бошланғич малака савиясидаги ишчилар тайёрлаш, ишчи, хизматчи ва мутахассислар малакасини ошириш ва уларни зарур ҳолда ишлаб чиқаришдан ажралмаган ҳолда уқитади;

Ўзбекистон “Ўзкоммунхизмат” агентлиги ваколати доирасида ташкил иктисодий фаолиятни амалга оширади, шу жумладан чет эл сармоялари иштирок этган инвестицион лойиҳаларни ушлаштиришда иштирок этади (ХМИ, донор-мамлакатлар ва б.);

Ўзбекистон “Ўзкоммунхизмат” агентлиги тасарруфидаги корхоналар ишчиларини ўқиштиш, қайта тайёрлаш ва малакасини ошириш учун четга чиқишларини ташкиллаштиради, мониторингини олиб боради ва системали ҳисоботини юритади, уларнинг чет мамлакатларда малака ошириш натижалари бўйича ҳисоботларини қабул қилади, малака ошириб келганлар иштирокида семинар-тренингларни ташкил этади, малака ошириш натижасида олинган илғор билимларни тармоқ корхоналари ва ишчилари орасида кенг ёйиш чораларини куради;

тажрича ўқув пунктларига услубий раҳбарликни амалга оширади, ўқув дастурларини тузиш ва тасдиқлашда ёрдам беради;

Ўзбекистон “Ўзкоммунхизмат” агентлиги мутахассислари, корхоналари ва ташкилотларига ўқув жараёнини ташкил қилишда услубий ёрдам кўрсатади;

Ўзбекистон “Ўзкоммунхизмат” агентлиги ИТК мажлисларини ташкиллаштиради ва утқизиш, ИТК аъзоларига хабар бериш, баённома юритиш ва ИТК томонидан қабул қилинган қарорларнинг бажарилиши ва мониторинги натижалари юзасидан Агентлик раҳбариятига ҳар чоракда маълумот бериш ишларини бажаради;

Ўзбекистон “Ўзкоммунхизмат” агентлигининг алоҳида топшириқлари бўйича бошқа ишларни ҳам амалга оширади (Коллегия

мажлис қарорлари, Бош директор буйруқлари, аппарат йиғилиши баённомаси топшириқлари ва б.);

белгиланган тартибда ва қонунчиликка мос равишда матбаачилик фаолиятини амалга оширади;

давлат интерактив хизматларини курсатиш мақсадида Ўзбекистон “Ўзкоммунхизмат” агентлиги тизимида ахборот ресурсларини яратди (матбуот хизмати, Веб-сайт);

Таъсисчининг топшириғига кўра, Ўзбекистон “Ўзкоммунхизмат” агентлиги фаолиятини юритиш билан боғлиқ бўлган ҳужалик ишларини бажаради, шунингдек Ўзбекистон “Ўзкоммунхизмат” агентлиги маъмурий биносидан фойдаланишни амалга оширади;

қонунчиликка мос равишда бошқа вазифаларни ҳам амалга оширади.

V. МАРКАЗНИНГ МУЛКИ

15. Марказ мулки:

Таъсисчи томонидан марказга оператив бошқариш ҳуқуқи билан бириктирилган мулк;

марказ фаолиятидан топган даромадлар;

қонунчиликка зид бўлмаган бошқа манбалар ҳисобидан шакллантирилади.

Марказ мулки қиймати марказнинг мустақил балансида аке этади.

Марказнинг устав фонди 43 532.3 (қирк уч миллион бешюз уттиз икки минг уч юз сўм)

16. Марказ директори ва Таъсисчи томонидан қабул қилиш ва топшириш ҳужжати имзоланган вақтдан бошлаб Марказ давлат мулкани оператив бошқариш ҳуқуқига эга бўлади.

17. Марказ мулки яхлит бўлиб, ҳеч ким билан, шунингдек Марказ ишчилари орасида ҳам тақсимланмайди.

18. Марказ мулкани тасарруф этишни қуйидаги ҳолатларда Марказнинг ижро этувчи органи томонидан Таъсисчи билан келишган ҳолда амалга оширилади:

асосий воситаларни сотиш, уларни ижарага ёки гаровга топшириш;

мулкни ҳужалик жамияти устав фондига улуш сифатида қушиш;

ҳужалик жамиятларининг акциялари (улушлари) ни сотиб олиш;

ҳужалик жамиятларидаги Марказга тегишли акциялар (улушлар)ни сотиш;

мулкни Марказ фаолияти мақсадларига мувофиқ бўлмаган бошқача тарзда тасарруф этиш.

Бунда бино ва иншоотларни (шу жумладан қурилиши тугалланмаганларини) сотиш Давлат мулк қумитаси томонидан амалга оширилади. (ЎзР ВМ 31.12.2009 й. 343 — сон Қарорига мувофиқ киритилган)

Бино ва иншоотларни (шу жумладан қурилиши тугалланмаганларини) сотишдан тушган маблағлар, уларни сотиб олиш

манбаларидан кагъий назар, давлат мулкни хусусийлаштиришдан олинган маблағлар тарзида, қонун ҳужжатларида белгиланган тартибда Давлат мулк қумитаси томонидан тақсимланади. (УзР ВМ 31.12.2009 й. 343 – сон Қарорига мувофиқ киритилган)

VI. МАРКАЗ ДИРЕКТОРИНИНГ МАЖБУРИЯТЛАРИ ВА ЖАВОБГАРЛИКЛАРИ

19. Марказ директори ва директор уринбосарлари Ўзбекистон “Ўзкоммунхизмат” агентлиги Бош директорининг буйруғи билан лавозимга тайинланадилар ва лавозимидан озод этиладилар.

Марказ директори Марказнинг яқка ижро этувчи органи ҳисобланади ва Марказ олдига қўйилган вазифаларнинг бажарилишини ташкил этади, Марказ номидан ишончномасиз фаолият курсатади, шу жумладан унинг манфаатларини ифодалайди, Марказ номидан келишувларни белгиланган тартибда амалга оширади, ходимларни ишга қабул қилади, улар билан меҳнат шартномаларини тузади, узгартиради ва бекор қилади, буйруқлар чиқаради, қонун ҳужжатларида белгиланган тартибда ишончномалар беради.

Марказ ходимларининг штат буйича сови ва уларнинг иш ҳақи миқдорлари директор томонидан Таъсисчи билан келишган ҳолда тасдиқланади.

Марказ директори ваколатига қуйидагилар киради:

Марказнинг жорий фаолиятига умумий раҳбарлик қилиш;

Устав талаблари ва Таъсисчи қарорларининг бажарилишини таъминлаш;

Марказ маъмурий-бошқарув ходимлари уртасида мажбуриятларни тақсимлаш ва лавозим йуриқномаларини тасдиқлаш;

Ўзбекистон “Ўзкоммунхизмат” агентлиги марказий аппарати ва Марказнинг маъмурий - хужалик таъминотини ташкиллаштириш;

уз ваколати доирасида Марказ ишчилари томонидан бажарилиши мажбурий бўлган қарорларни қабул қилиш;

Таъсисчи билан келишган ҳолда ташкил этилган Марказ филиали ёки ваколатхоналарининг фаолиятини назорат қилиш, уларнинг йиллик ҳисоботларини тасдиқлаш;

Таъсисчи билан келишган ҳолда Марказ филиаллари ёки ваколатхоналарининг штатдаги ходимларига иш ҳақи тулаш шартларини белгилаш;

Ўзбекистон Республикаси меҳнат қонунчилиги асосида Марказ филиаллари ёки ваколатхоналарининг штат ходимларини ишга қабул қилади ва ишдан озод этади, уларни рағбатлантиради ёки интизомий чора қуради, шартнома асосида ходимларни ишга қабул қилади;

ишчи гуруҳлари ва вақтинча ижодий жамоани шакллантиради, Марказ дастур ва лойиҳаларни ишлаб чиқиш учун экспертларни жалб қилади;

банк ташкилотларида Марказнинг ҳисоб рақамларини очади, олган кредитларни, Марказнинг мулк ва молиявий маблағларини ушбу низомда белгиланган тартибда тасарруф қилади, шунингдек Марказнинг жорий харажатларини амалга оширади;

Ўзбекистон Республикаси ва хорижий мамлакатлар юридик ва жисмоний шахслари ҳамда халқаро ташкилотлар билан Марказ номидан ишончнома қоғозсиз муносабатда бўлади, Марказ номидан шартномалар, келишувлар ва бошқа битимларни тузади.

Марказ директори Таъсисчи ваколатига алоқадор бўлган масалалардан ташқари амалдаги қонунларда таъқиқланмаган бошқа масалаларни ҳам ҳал қилиш ҳуқуқига эга.

20. Марказ директори Таъсисчи олдида Марказ уставида белгиланган тартибда Марказ фаолияти тугрисида ҳисобот беради.

21. Марказ директори ўз ҳуқуқларини амалга оширишда ва вазифаларини бажаришда Марказ манфаатларини қўзғаб ҳаракат қилиши керак ҳамда бюджетга ва бюджетдан ташқари фондларга туловларнинг, иш ҳақининг ўз вақтида туланиши, меҳнат ҳуқуқлари ва муносабатларидан ҳамда уларга тенглаштирилган туловлардан келиб чиқадиган барча туловларнинг қондирилиши, ишлаб чиқариш фаолияти билан бевосита боғлиқ бўлган эҳтиёжлар учун пул маблағларининг утқазилмаганлиги, узининг ҳаракати (ҳаракатсизлиги) туфайли, шу жумладан Марказга берилган давлат мулки йўқолган тақдирда, Марказга етказилган зарарлар учун қонун ҳужжатларида белгиланган тартибда жавоб беради.

VII. МАРКАЗНИНГ ДАРОМАДИ

22. Барча солиқлар ва бошқа бюджет ва нобюджет фондларига утқазилмаган туловлардан қолган маблағ Марказнинг соф фойдаси бўлиб, Марказ ихтиёрида қолади ва бу фойда Таъсисчининг қарори бўйича сарфланади.

23. Марказ ўз тасарруфида қолган соф фойда ҳисобидан мазкур Уставда назарда тутилган ва миқдори Таъсисчи томонидан белгиланадиган захира ва бошқа фондларни барпо этиши мумкин.

VIII. МАРКАЗНИНГ ФИЛИАЛЛАРИ ВА ВАКОЛАТХОНАЛАРИ

24. Марказ Таъсисчи билан келишув бўйича, қонун ҳужжатлари талабларига риоя қилган ҳолда филиаллар ташкил этиши ва ваколатхоналар очиши мумкин.

Филиал ёки ваколатхона ташкил этилгандан кейин бир ҳафта муддатда Марказ бу тўғрисида Ўзбекистон Республикаси Давлат мулки қўмитасини (унинг ҳудудий бошқармасини) хабардор қилиши шарт.

25. Марказнинг филиаллари ва ваколатхоналари Марказ номидан ва Марказ томонидан тасдиқланган низомлар асосида фаолият қурсатиши ва Марказ томонидан ажратилган мулкга эга бўлади.

26. Марказ филиали ва ваколатхонаси раҳбари марказ директори томонидан Таъсисчи билан келишилган ҳолда тайинланади ва унинг ишончномаси асосида фаолият курсатади. Филиал ёки ваколатхона раҳбари билан тузилган меҳнат шартномаси тўхтатилган тақдирда ишончнома Марказ директори томонидан бекор қилинади.

IX. МАРКАЗНИНГ ЖАВОБГАРЛИГИ

27. Марказ Таъсисчининг мажбуриятлари бўйича жавобгарликни уз зиммасига олмайди.

28. Марказ узига тегишли мулк мажбуриятлари бўйича жавобгарликни уз зиммасига олади.

Марказнинг мулкида етишмовчилик бўлган ҳолатда, унинг мажбуриятлари бўйича Таъсисчи субсидиар тартибда жавоб беради.

29. Таъсисчи билан келишув бўйича ташкил этилган филиал ва ваколатхона мажбуриятлари бўйича жавобгарликни Марказ уз зиммасига олади.

X. МАРКАЗ ФАОЛИЯТИНИ НАЗОРАТ ҚИЛИШ

30. Марказ ҳисобот даври тугагач ваколатли органларга молиявий ҳисоботни ва руйхати конун ҳужжатларида белгиланган бошқа ҳужжатларни тақдим этади ҳамда ҳужжатларнинг сақланишини ва уларнинг белгиланган тартибда давлат томонидан сақланга берилиши учун жавоб беради.

31. Марказнинг фаолиятини хужалик юритувчи орган сифатида назорат қилиш конун ҳужжатларида белгиланган тартибда Таъсисчи ва бошқа ваколатли органлар томонидан амалга оширилади.

XI. МАРКАЗНИ ҚАЙТА ТАШКИЛ ҚИЛИШ ВА ТУГАТИШ

32. Марказни қайта ташкил қилиш ва тугатиш Таъсисчи томонидан, тегишли равишда Давлат мулки кумитаси ёки унинг ҳудудий бошқармаси билан келишилган ҳолда ёки суд қарорига асосан конун ҳужжатларида белгиланган тартибда амалга оширилади.

33. Давлат юридик шахсларнинг ягона Давлат реестрига тегишли ёзув киритилгандан сунг Марказ қайта ташкил қилинган ёки тугатилган ҳисобланади.

